

共賞集

錢辰題



共賞集

羽佳龍雲窟藏



咸豐丁巳秋鐫版
光緒丁未夏重刊

共賞集序

昌熾甫弱冠時懷鉛握槧從諸老先生之後導我先路
詩古文詞則柳大令質卿經術則潘明經鬯侯皆事之
在師友之間庚午以後預修郡志館馮林一師香溪里
第與徐永之明經論畫又以詩就正於金山人子春山
人居堯峰之南天宮寺前修眉疎髯癯然鶴立今之隱
君子也富有藏書訂交之始以舊刻聶崇義三禮圖及
笠澤叢書爲贈至今猶藏篋衍歲月不居忽焉宿艸去
年自隴上歸卜居於濱上之遂初園井邑人民悅如宿
世欲問童時舊游而遺老盡矣春寒積雪杜門謝客忽

其賞集

序

一

有排闥送詩者發函讀之則錢乙生丈寄貽共賞集兩
編其先德秋潭先生所輯朋舊之作也前編皆道咸
先輩昌熾生晚已不獲撫塵接席續編則永之丈與山
人之詩皆在焉鬯侯丈治左氏賈服之學親見其窮年
矻矻丹黃並下顧未嘗見其爲詩今此編所錄有躍龍
歌南錢讀書圖二首荒邨寒夜翦鐙攤卷校邠廬中憲
憲談笑鬚眉聲欬猶槎枒側出於紙上而當日之小冠
末座者亦二毛斑矣亾友蒿隱農部題詞以枚庵居士
及吾家蛻翁爲比知言哉自來采詩之役以詩存人以
人存詩其功在發潛闡幽蒐遺訂墜卽如潘丈槁項黃

誠著書以老身後又楹書罔託使非 先生錄存片羽
則蠟車障壁之餘有不與委灰俱燼者乎新說披昌微
言將絕稷下游談視先民爲長物 先生父子家世傳
易衰然爲大師都講而猶能惓惓於故舊贈言珍重護
持罔使失墜其亦足以風世也已光緒戊申正月郡後
學葉昌熾謹叙

其賞集

序

二

序

人窮詩工非窮人必工詩也工者自工而不工者斯爲眞窮吾友皆窮皆欲以詩傳詩之傳不傳未可知而不刊則惡乎傳辰自七齡受業於朱嬾樵師門凡十三年粗知聲律及出塾十年雖不能徧交吳下之能詩者而往來倡和頗不乏人丁酉歲議刊同人詩集因先輩以立名忌早規之遂止彈指二十年詩興亦少衰而詩友竟不可多得矣惟已故之友或無後人或有後人而不能讀書或讀書而於先人之詩非秘藏卽輕棄均之湮沒不傳良可惜也亟錄得詩三百餘首名之曰共賞集

共賞集

序

一

詩以師爲首其餘信手撥之漫無倫次以未及謀面者後之嗟乎生不同時居不同里彙成一編豈偶然哉或曰傳世之詩必名世之人也子之友皆湮沒不彰是集也安必其垂久而災及棗梨噫吾之刊是集也本非有傳久之心誠以友之湮沒無聞而姑表微闡幽微幸於萬一自茲以後花朝月夕杯茗鑪香左絲桐右壺矢展卷一誦吾友如長在目前抑亦快甚至於詩之工不工非辰所敢知也用以俟世之覽者

咸豐七年丁巳夏五吳下龔翁錢辰識於躍龍雲窟

題詞

劉禧延 辰孫

收拾牢愁入嘯歌可憐精氣此銷磨姓名剩有知交在
文字曾經點勘多已是桐薪投爨火卻教珊瑚出滄波
平生纂述期眞賞遺佚於今得幾何

蒐羅廿載未因循辛苦編刊付手民筆墨叢殘師友淚
山邱零落醉吟身長留詩卷知何日角立詞壇更幾人
篋衍集成同感舊重經展看一悽神

許紹洙 浚冬

沒世名不稱君子之所恥最下及文詞亦以得傳喜然

共賞集

題詞

一

而傳世難其故曷勝指或以處寒微或以早夭死或因
子孫棄或經兵燹煨燠忽無幾時湮滅委塵滓錢君深
憫之慨然不自已友朋投贈詩手錄重收度殘章與斷

編搜羅珠玉比吾有伯香浦與兄蓮工詩譽鄉里有稿

散行篋家藏實無幾賴君一二留片羽吉光擬拾遺類

皆然珍重焦桐尾收藏積有年生人半流水一燈開卷

吟陰風歛窗紙想見作詩者有知應雪涕選汰付手民

傳世從茲始千年與百年詩壽孰限止發潛更闡幽厚

意有如此爲問卷中人感慰將何似

李文通 聽雨

燕石珍藏祇自憐
布衣千古幾人傳
而今纔得如君願
鑲版胸中二十年

雍門一曲憶韓娥
難忘旗亭畫壁歌
強半社中同倡和
開編已覺古人多

吉光片羽易銷沉
爨下良材待賞音
何敢隨人輕去取
可憐滿紙血痕深

從來不朽是清名
有志眞教事竟成
自此長留天地內
諸君雖死已如生

其賞集

題詞

共賞集目錄

朱紘 二十首 朱獅 十首

金大鏞 五首 朱崑原 十一首

楊逢春 二首 沈熊 一首

陳鑣 四首 韋光黻 三首

楊燦華 四首 楊煥華 十二首

楊炳華 三首 朱文標 十一首

朱文淵 三首 朱則張 六首

朱庭楷 一首 朱庭松 二首

金昆 三首 汪嘉惠 二首

共賞集 目錄

董泰 一首 林一桂 二首

周思澄 五首 朱逢王 二首

顧本立 三首 華峻 一首

許其淮 七首 張鴻基 五首

汪福辰 七首 郭鳳梁 四首

許邦濬 一首 周達 二首

闕廷珍 二首 華以培 一首

錢春臺 四首 錢鰲 二首

陳尙模 五首 吳允模 五首

陳幹 二首 張鳳華 二首

徐秉經 二首 施兆祥 二首

張守誠 二首 陸起潛 四首

潘鶴 二首 張心蘭 二首

吳基 一首 查維熊 二首

戴敏時 二首 曹文春 一首

曹文逸 一首 程寅錫 五首

黃榮 一首 印錫福 六首

程爾亨 四首 盛朝瑞 九首

朱介福 三首 朱岷原 一首

蔣辛 二首 劉江 七首

共賞集 目錄 二

闕球 二首 華培昌 二首

錢師裴 一首 陸寅 一首

王文浩 一首 朱澄 二首

顏紹緒 六首 汪亦揆 二首

黃世德 一首 程景沂 四首

張紹松 二首 金其慧 二首

金澂 二首 金榕 一首

江嘉福 二首 吳杞 一首

許鑑 一首 許鎮 二首

華守謨 四首 徐丹雘 五首

唐頤庭

一首

馮荔庵

三首

許柳村

一首

江藹庭

二首

吳錦濤

一首

汪萬育

十四首

程逸洲

二首

汪丙賢

一首

分綠樓草

三首

綠影稿

二首

鄒廷琥

三首

朱朋壽

三首

華繩祖

四首

盧雲錦

一首

何秀澄

一首

程蘭錡

一首

湯秋巖

一首

江芸閣

一首

孫桂

二首

貝仲堉

二首

共賞集

目錄

三

閨秀

一首

其二

一首

烈女

一首

蔣修

三首

侯承恩

二首

王鳳芝

四首

計共一百有四人詩三百三十首

錢泳

三首

錢寅吉

一首

李文通

十首

以上三人詩十四首續在閨秀前辰刊是集適盧織甫卒因搜若干人詩續之茲已告竣而李聽雨故詩友益衰不勝浩歎尊酒細論今無望矣幸畱一名則詩卷長存吾友不死是辰之志也

共賞集初編

吳下龔翁錢

辰錄

朱

號懶樵本姓沈吳縣人乾隆丁未生性恬澹

約終其身年六十
三著有自是吟稿

感詠

男兒有壯志何當久窮居見辱困於石鬱鬱不得舒富
者擁厚賞貴者戀高爵吾生苦貧賤長恐填溝壑文章
是何物歲月空蹉跎及時不行樂人生能幾何寂寞念
身後撫膺涕滂沱

擬陶淵明飲酒

共賞集

一

偶得一壺酒酒味甘且清不堪召鄰叟獨酌慰平生隱
見各有志與人無所爭仰視白雲浮悠然忘世榮

擬迢迢牽牛星

耿耿銀漢澹迢迢秋夜長黃姑與織女欲渡愁無梁我
有素心人遠在天一方經年絕音耗魂夢徒飛揚何當
生羽翼因風至君旁

遊子吟

春風二三月桃李齊著花嗟彼遠遊子何事不還家莫
作楊花白飄蕩天之涯

插秧

一兩桔槔閒三農競出作不識田家苦安識田家樂晚
風喧蛙鼓良苗綠參差孰能圖溫飽而得惰四支逢年
敢預計力田分所宜

好色

好色不悅影妍媸無虛稱不因殊貴賤而分愛與憎美
質信天授修飾人所能吁嗟效顰子覩然猶自矜

靈芝

名山有靈芝託根溷荆棘有客求長生采采忽已得卻
怪巖穴中樵蘇不曾識

幽蘭詠

其賞集

二

幽蘭生長在老圃青青卻與草爲伍自憐一種王者香
不爲無人便不芳吁嗟乎素心獨抱眞君子出山不出
俱如此

采桑曲

終朝采桑桑盈筐餽蠶不飽心悲傷蓬鬢出門天方曉
日夜辛勤徒自忙陌上誰家艷妝女繡衣燦爛雲錦裳
履絲著綵徧僮婢春風一吹綺羅香吁嗟乎道傍愁煞
采桑娘

有懷

弱水三千里蓬山一萬重春深花正發別久酒初濃有

約皆成夢無緣不易逢人非雲與鶴何處問仙蹤

見山閣曉望

倚檻聳詩肩蒼茫滿目前樹團煙若醉山抱霧還眠萬頃分秧地千家打麥天等閒紅旭上一片碧雲箋

深秋夜坐

風落一庭霜秋深菊有香人寒詩亦瘦境靜夜偏長笛遠空天籟燈清淡月光不堪蕭瑟意且幸在窮鄉

贈粹然

一牀貝葉束琴弦面壁功深又十年酒國有緣皆訂佛詩壇無主獨成仙興來畫竹臨池坐嬾去談經枕石眠

共賞集

三

今日白隄添故事卻教處士也參禪

擬古

攬鏡畫長眉盈盈初掠髮青春不再來含情拜新月

幽居

幾閒臨水屋繞屋多栽竹鎮日無人來疏簷飛蝙蝠

對鏡

未老頭先白雙眉萬慮攢自憐憔悴色來向鏡中看

鄧尉探梅

一味香風撲鼻酸芒鞋踏破曉山寒田家自種青梅樹不解遊人作雪看

柳絮詞

團扇微搖動遠行劇無才思若爲情謝庭究未推敲細
白雪何嘗如許輕

早秋雨窗漫興

風雨幽窗夜未央輕羅細葛怯新涼問誰送到秋消息
籬豆花閒紡績娘

晚菊

不是天心棄菊枝傲霜宜爾獨開遲須知高節何妨晚
莫道過時正及時

朱

號鳳樓元和嘉慶甲子科原舉人少以文鳴
被事後成陝州遇恩得歸家居簫市子四

共賞集

四

次文標
文淵

宋徽宗萬鴉投林圖

丹青天子古來少落窠江山愛花鳥天津橋上杜鵑啼
衰氣餘畱入畫稿一陣蒼梧夕照邊千秋落葉西風老
不知何事摹荒寒眺罷樊樓一筆掃吾聞宣和翎毛漆
點睛捫之觸手光晶瑩縱筆寫意無須爾活潑閃作呼
羣聲恍如戎馬臨汴城沉沉殺氣鴟兒軍又如出塞迷
風塵龍沙萬里愁雲昏君不見鷓鴣之鴒之歌自昔早兆
乾侯同一轍九哥宮裏鴿放時五國城中雁信絕憔悴
窮荒冰雪天入夢昭陽日無色畱連藝事空貽誤童蔡

鳴臯竟不悟當時未雨能綢繆靖康之業無南渡鳳凰
山下我曾經花石淒涼愁煞人何忍披圖重把玩啞啞
猶似哭冬青

毛惜惜墓

妾事將軍不事賊妾身賤流心許國紅顏血濺劍芒青
帳下叛兒齊動色卓哉金粉叢中人一時節烈千載名
生前位置天何意死得其正天亦驚剛氣化爲勁草碧
桃花不敢墳頭生臂社湖邊打槳來怒濤猶作罵賊聲
吁嗟乎守土死職分宜爾錚錚乃一奇女子當日鬚眉
應愧死

共賞集

五

洛陽懷古

周王避寇已忘仇盟罷辟旄亦綴旒西顧宜籌歸棄地
東遷若振駕諸侯澗灑二水元勳定車馬中都舊制畱
忍使河山寒九鼎尊周筆重魯春秋
紫色鼉聲篡運終特開銅馬帝英風治猶有憾惟圖讖
勳卻無權爲事功三局漢宗時扼要九州京雒地居中
咸秦以後論文物王者規模確不同

鼎分戎馬總徒勞司馬家兒信自豪吳主可憐眞入洛
劉家猶幸見亡曹建儲計失親藩輔荒色權歸近戚操
何待銅駝荆棘裏肇基幾見廟謨高

春色衣冠光極堂中原地氣不知霜宋齊勢促忘關洛
漢晉基畱數帝王鸞輅雄心經略遠雁臣舊部往朝忙
最誇下詔求書籍六代江山半戰場

楊花落
到夜啼烏太息隋家失永圖西苑乍開新製曲
東京旋厭枉營都一隄士女龍舟杳三輔風雲雉堞蕪
少駐尙畱根本地雷塘抵得洛陽無

露筋祠

冒暑宵行道路中有帷不以避飛蟲魂招黃土杳何許
骨化白蓮香滿空終古雲霄畱曉月至今淮海說清風
行人未敢溪毛薦樹杪靈旗煙靄籠

共賞集

六

重過露筋祠疊韻

當時挈伴走匆匆大抵流離遷徙中獨以丹心昏夜矢
難令白鳥野塘空女貞不畏行多露人望相欽在下風
今日小姑歲時祀始知嫂是可憐蟲

簫市

市中乞食劇孤寒且耐屠沽肉眼看羈旅可能臣北面
土音猶是客南冠一腔笳鼓胸何壯兩地關河淚未乾
畢竟霸吳成底事美人臺上舞盤桓

金大鏞

號春帆吳縣人不善治生能貧而樂遇人輒
僂僕恭揖詞氣從容年六十一猶應小試臨

終時辰問之笑云
小別耳子一昆

消暑

平生苦炎熱趨附非素心北窗高枕臥清風滌煩襟何
以消永晝觀書復鼓琴孰謂近城市寥闕如山林

旅夜

秋蟲何唧唧牀頭鳴夜長中懷向誰語空庭碧月涼十
年不得志願言歸故鄉

春山

春來遠桁碧山橫日暖風和好鳥鳴一自掃眉人去後
爲誰牽引別離情

悼亡

共賞集

七

一丸霜月等閒過偏照愁人喚奈何記得三年前夜事
看排香案拜姮娥

悠揚三弄繫遙情短笛隨風入耳清吹到梅花人不見
滿天星斗月初橫

朱崑原

號璞山吳縣人性曠達語敏妙曾病瞽十年
無一時暴躁之氣復明如常彈琴投壺以自

樂子一
則張

擬陶淵明飲酒

人生寄宇宙百年未可知面山坐終日靜處有餘思家
釀恰初熟不飲亦何爲獨酌自成趣朋來杳難期呼童
摘山果呼兒滌酒卮或繼薰風曲或續南山詩起視忽

有悟皓月來柴扉

咒鉢庵聽泉

咒鉢聲喝毒龍洞毒龍噴泉驚客夢繞庵曲折四面流
飛泉砰湃如雷闕傾耳憑聽入遠溪曝書臺畔日將西
山僧指點聽鶯閣綠樹聲藏鶯亂啼千古潺湲洗山骨
洗出奇峯立萬笏在山泉水清如何許我閒時來漱石
禽言

過耬茅先生墓

嘯傲耽吟詠詞壇獨冠羣品高難入俗地僻最宜君秋
共賞集

八

樹飄黃葉春山罨白雲不關榮辱土終古對斜曛

有感

當日悲秋客猶從燕趙過同人盡寥落獨坐意如何良
月今宵靜清尊何處多正愁青鬢改慷慨發長歌

送蔣愚溪之巴中丞幕

橐筆天涯去飢驅此遠遊雖無家室累終有別離愁客
夢宵江樹孤帆湘水秋依人非得已莫負舊林邱

訪篁村張樂山蘭史研思竹林

嶺外沒殘霞扶筇指路賒松篁最深處知是故人家薄
醉忘時事論心感鬢華何當容我住也學種桑麻

黛湖泛棹

溼雲初散鷗聲輕黛色青青雨乍晴楊柳綠藏孤塔杳
桃花紅繞一溪明病餘疏懶耽山水老去生涯託釣耕
何日移家湖畔住拌將詩酒過平生

田歌

秧針插罷曬青蓑且喜黃梅得雨多隨意行來隨意唱
無腔乃是太平歌

贈樵子

丁丁終日起高歌負擔歸來意若何莫恨深山荆棘徧
市中荆棘比山多

共賞集

九

贈漁父

榮辱無關坐釣磯移船沽酒典蓑衣羨君不辨桃源路
免得人來問是非

楊逢春

號潤齋自常熟遷居蘇州胥門外爲吳縣人少好武藝惜不得志老隱於醫精十二科子

華一炳

秋柳

秋來猶是舞臺城絲短絲長見欲驚冷月一隄憔悴色
西風幾樹別離情陶潛宅外疎枝挂宋玉門前瘦影橫
待得陽春消息至又開青眼送人行

寒鴉

不隨蘆雁逐翱翔幾度呼羣度野塘
禿樹亂翻千點墨
平皋冷噪一天霜
避寒偏苦經風雨
覓食何心飽稻粱
自是江南勝江北
願將棲息穩垂楊

沈

熊號姑
樵

秋日山行

霜風槭槭動疎林
秋麓蕭條爽氣侵
一徑打頭黃葉下
萬峰放眼白雲深
忽逢奇石儘堪揖
時有暮蟲相與吟
漫步不知巖路杳
歸來已見夕陽沉

陳

鎮號竹儔吳縣諸生忠厚仁慈手不釋卷客間
十載了無所遇歸隱於醫自署門上日治所

知病可謂不自欺矣年
六十四卒著有抱膝吟

其賞集

十

書懷

丈夫生斯世揚名卽顯親
豈長居人下鬱鬱不自伸
惜空有此志而無學問
眞晚歲猶自強終爲席上珍

旅夜獨酌

俗人不樂語奇人不肯來
靜夜獨自酌陶陶飲幾杯
時有清風至可作故人陪
更有不速客明月照徘徊
酒自有真趣能使懷抱開
頽然玉山倒一枕意悠哉
睡中何所夢故鄉去復回

同友雅園閒眺

鳥向青雲飛魚自清波躍
我心羨鳥飛子亦知魚樂

雪中

四野同雲布紛飛大雪花獨憐飛鳥輩何處覓生涯

韋光徽

號君繡長洲諸生天資學力兼而有之一切技藝無不精通錢唐陳雲伯品入吳門七子

惜不得志僅以一衿老因憶從前歷與辰談世情利害瞭若指掌今皆效驗可謂見幾癸丑移家延祥鄉而卒年六十五著有在山草堂詩稿刊行於世

苦雨

一春能有幾天晴百歲無多載酒行虧煞梅花遲一月不教冷淡過清明

黛湖柳枝詞

零落心情冷未刪武邱西北路鸞環如何無限蘇臺柳

其賞集

十一

只在煙波罨畫間

不是長亭與短亭一閒板屋一煙汀漁家自種沿隄樹

那管飛花去化萍

楊燦華

號汀蘭吳縣諸生天姿邁眾不學而成以故自恃不可一世誘掖後進極為懇摯年四十

二卒嘗檢其遺篋得手臨蘭亭一小幅將付諸石以公同好

雲影庵探桂

荒剎枕清流秋風來爽氣古佛無金裝詩人有禪味苔綠移屐痕竈紅茶正沸不知後庭中丹桂曾開未

謁陸魯望先生祠

海湧峰前謁古祠先生不愧號天隨拾遺未應當年詔

尙友還堪今日師但得名垂高士傳何妨身遇晚唐時
天涯滿誦松陵集不朽誰如一卷詩

白隄

燈紅酒綠煙花地短帽輕衫落魄人不惜黃金載歌舞
風流世界太平民

秋海棠

一種紅妝色自饒柔情旖旎不勝嬌如何幾點懷人淚

灑向秋風未肯消

楊煥華

號翰香汀蘭弟少孤家貧刻意勵行好讀書
過目輒了了授徒里中并賣藥以自給闔門
外三里許有東西兩虹橋爲前明文衡山先生遊
賞地村迴路轉流水小橋天然圖畫每於春秋佳

共賞集

十一

日招朱嘯雲李聽雨及辰臨流啜茗曰此吾一生
清興也月夜必鼓四下乃睡輒曰月白風清如此
良夜何應小試十七次不售年
四十六卒子一不能繼志惜哉

鴻山謁梁伯鸞祠

鴻山謁古祠正值秋高潔新爽滿空山清風散林柏想
見入漢關歌聲尙嗚咽登堂薦杜蘅捫蘚讀碑碣耿介
傳千古絕不因人熱塚近要離旁廡賃伯通宅溪山畱
姓名用以厲風節

嚴氏雙節

窗外霜風急窗下孤雛泣卓哉嚴家婦忍死存一脈九
歲不能行兒幼身多疾萬苦與千辛徼幸到成立十八

爲娶妻三歲兒又歿其妻欲身殉大義姑勸切謂婦方
有娠毋徒一死擲嚴家苟有幸生男嗣不絕兩世在一
身當爲此身惜繫予初寡時亦欲自引決上念有老姑
奉養誰爲職下顧有孤兒撫養伊誰責仰事與俯育一
死必兩失展轉爲婦告諄勉意稍釋七月生一兒悲與
喜交集勤勞兒長成閭里稱嘖嘖採訪聞 朝廷一門
著雙節煌煌 天語褒足爲女宗式

登隱仙樓

地擅濠南勝村居可隱仙祇宜名士集相坐小樓前秋
月聯吟夜春風啜茗天此閒多好景消受過年年

共賞集

三

聞雁

一雁一聲酸宵深獨冒寒嗟予形影隻羨爾水雲寬矰
繳避非易稻梁謀自難最憐風露下嗚咽落江干

謁詩人張永夫墓

知己原難得誰從死後論尙書憐落魄處士慰吟魂荒
徑碑三尺空山土一墩古來名士貴詩卷幸常存

蘇武廟

十九年來漠北畱窮荒已白漢臣頭橫連塞草羝羊臥
愁絕邊城鬻策秋異域無知還重節中原有道不封侯
於今廟食垂千古聊爲生前苦志酬

悼亡

此生緣會等閒非顛倒愁腸淚暗揮憔悴容顏空玉鏡
依稀魂夢繞羅幃禱從窮處神靈杳病到深來藥力微
爲我求名拌凍餒十年典盡嫁時衣

朱勔廢園

玩好無端伏禍胎逢君多術亦堪哀中原花石搜羅徧
邊境烽煙次第來人盡能官傭亦貴家無可蓄物爲災
卻憐棖桷巍峩宅剩有苔垣沒草萊

春暮畱題法螺寺

不爲修真訪道林無端乘興到高岑綠陰樓閣層峰接
其賞集

十四

紅雨人家一徑深入座客皆無俗韻談詩僧竟有仙心
窗前光動如飛雪千尺流泉檻外臨

荷葉

欲蓋鴛鴦夢因畱數柄荷那知秋雨夜驚我獨眠多

村居卽事

小小茅齋短短籬野人原不效時宜桑麻十畝沿溪種
半爲天寒半爲飢

辛苦攜鋤自種梅天寒引得鶴相陪門稀車馬交遊少
月不嫌貧夜夜來

楊炳華

號柳生逢春子得軍功
于浙西旋卒年四十二

過韓山

挂席日初西風光舊雪溪鐘聲來古寺塔影臥長隄煙
重層巒迴雲深遠樹齊桑麻陰合處不斷鷓鴣啼

客中秋夜

孤館甚淒清秋來總未晴雲從山腳起風向樹頭生蟬
怯新涼咽蛩憐細草鳴夜深人獨坐靜對一燈檠

秋夜

樓頭盼望過征鴻觸我離情萬壑中最是夜來聽不得
一聲落葉一聲蟲

朱文標

號嘯雲元和諸生獅子丰裁峭拔品格端
凝精書法篆刻起省試得疾歸卒年四十

共賞集

五

跳鍾馗

跳鍾馗進士才丈夫志氣空噉摧何不讀書歸去來終
南山色常崔嵬胸中醜磊澆酒杯又不紫簫吹五月薰
風拂拂軒渠開何爲摧眉折腰傍人戶藍縷街頭恣跳
舞小鬼揶揄徒自侮

賣癡歌

賣癡歌何人賣人前賣慣癡歌態縱有耳提喚不醒
瞪白眼愁相對人笑癡歌何太歌癡歌反笑人聾聵自
信機謀闊歷深總在癡歌籠絡內吁嗟乎人生何必弄
聰明安穩癡歌過一生

照虛耗

天下本無事庸人自擾之室中一有金銀氣暗鬼生心
輒起疑由來豐約有時命消息盈虛難自持胡爲持籌
握算到昏夕謹密周防徒爾爲虛耗來須勤照牀頭秉
燭光晃耀從今小耗潛無形虛耗暗中竊相笑

醉司命

司命神司煙燎微分歆祀同於奧終歲鍋煤熏突煙和
調五味誰酌勞主人伏臘獻餽饋泥首東廚工媚禱焉
有司命亦貪杯一醉是非輒顛倒嗟予寒士艱酒漿酬
以勺水列且芳平生心跡明彼蒼何用紛紛媚竈多祈
共賞集

十六

禮

擬杜甫春日懷李白

良朋渺何許迢遞歲華新當代無餘子於今有此人疏
狂詩酒累落拓性情真貶謫誰相惜臨風一愴神

月夜枕上聞雁

欹枕不成寐短檠燄漸微淒聲動遙夜寒月度柴扉程
遠情偏急天高影共依年年沙塞畔生計稻梁稀

登隱仙樓

放眼極空闊郊原風景殊鴉翻落日一雁下寒蘆胥
水遙相接靈巖淡欲無開平餘古壘煙樹指模糊

鴻山謁梁伯鸞夫婦祠

冀缺如賓差可擬
王章對泣詎能同
梁家夫婦流離際
漢室君臣搶攘中
賃廡甘成偕隱志
出關猶憶五噫風
英雄末路無相識
巨眼何人舉伯通

雁來紅

葉葉寫秋情
秋情秋士生
低頭看秋色
舉頭聞雁聲

春日野興

桃花村裏午雞啼
一簇人家傍碧溪
知道今年春更好
酒旗添箇板橋西

塞上四時詞

四之一

共賞集

七

日觸炎威西破羌
穹廬氊帳汗如漿
官家正理南薰曲
消受微風殿角涼

朱文淵

號藹人文標弟性嗜林泉常館山中曾集蘭社談詩極盛

謁梁伯鸞夫婦祠

聞說伯鸞偕德耀
亂離歸隱志能同
死無長物畱身外
生肯因人暫熱中
吳苑英靈依國士
鐵山蹤跡仰高風
賃春當日尋常事
一廡於今念伯通

春日山齋

聊向山齋寄此身
一肩詩卷伴晨昏
花因料峭香偏入
詩到離奇景自真
好友不來同話雨
衡門深掩竟忘春

庾郎日覺腰支瘦細數閒階草色勻

賞菊

一夜西風綻徧金小堂何礙作山林花如耽酒休嫌醉
客旣能詩莫晚吟雅度誰如君傲世孤標幸有我同心
秋光爛漫真堪賞滿眼幽芳愜素襟

朱則張

號細梅崑原子府學僉生世業醫性愛菊得
佳種躬自灌溉秋時花放位置几案爛若雲

錦招朋品賞飲酒
賦詩爲一時雅集

遊天平山白雲院

天晴山色朗蒼翠欲相迎一徑白雲合千林古木平
軒飛鳥度落日晚霞明對此忘朝夕悠然物外情

共賞集

六

謁陸魯望先生祠

羨煞先生石隱流平生高尚遠王侯功名意嬾辭簪笏
煙水情深戀釣舟明月一庭茶竈冷西風五夜鴨漪秋
祠堂落日空憑弔采葯何人起暮謳

幽居

綠樹繞扶疎白雲鎖門戶世味吾不知呼童灌園圃

雨中送春

一林梅子雨中肥多少繁華轉眼稀剩有桃花三兩點
替人灑淚送春歸

黛湖棹歌

家住湖邊年復年柳如青黛接青天
鵬前一个虎邱塔
明月移來上我船

除夕

高燒紅燭爛于銀我有新詩不算貧
爆竹聲喧雞唱曉
索逋人換賀年人

朱庭楷

號二花吳縣人工畫善
硯慈心厚道有君子風

畫蘭

空谷幽芳繫我思素心敢許俗人知
而今不觸當門忌
長遣春風護一枝

朱庭松

號酉生庭楷弟從陳秋谷學醫重
集見山閣詩會繼父志也惜早卒

共賞集

九

登昭明太子讀書臺

散步入雲隈昭明舊有臺池邊曾滌硯石罅尙開梅
一代詞林望千秋帝子才憑闌瞻眺久落日照蒼苔

登懷杜閣

登樓謁詩聖懷古意何如憂國心原苦忠君志未舒
時愁多難際老病一身餘香火隨龕奉詞宗信不虛

金

昆號松濤吳縣人爲人厚
重託青烏術以謀生

紀事

古井當門前兩兒井畔嬉少者尙匍匐長者竹馬騎
小兒忽下墜四顧無人時阿娘乍驚見大兒又從之呼號

起倉猝援手何所施投器漫相引出險未可知詎意兄
抱弟修綆能扶持危險出須臾性命懸一絲臨深不復
顧脫筭理亦宜友愛出天性豈日非人爲入井不得陷
終致仁者疑

瓶花

滿樹花初發一枝輕折來可憐心未死猶向膽瓶開

硯

一片端溪石由來席上珍縱教磨與涅堅質自全眞

汪嘉惠

號靜安長洲諸生聰慧絕人肄業紫陽書院受知于林文忠公文名卓著子蔭穀歸籍新

洋入

共賞集

三

讀溫飛卿集

每爲聰明誤南華負此生仙心通綺語禪悟達閨情六
代收殘艷千秋薄盛名八义遺集在展卷剔孤檠

養鶴

鳶飛魚躍總天真顛倒元機亦夙因一樣羽毛隨物化
自然神舉出凡塵風濤悟徹生前幻煙火銷殘劫後身
畢竟青雲原有路休將丰骨付沈淪

董

秦

號又村吳縣人從楊潤齋學善針灸有血性喜平世上不平事入行伍愛蘭善畫盡禮文

士無武夫氣遇巡撫陳公得額外缺尋病卒年三十四

秋日早行

煙迷樹色曉蒼蒼一片雲山路正長茅店雞聲星黯澹
竹籬蛩語月微茫新霜飛上征車白落葉催成野徑黃
早發不嫌初睡起續將殘夢過橫塘

林一桂

號蘭臺山陰人性樸實好學孳孳得偏廢疾
左手書十載而卒年三十二斷句有烏立樹
梢花影動魚跳池面水紋圓風裏柳如沉醉客雨
中花似帶愁人蜂橋穀雨啼鳩婦鹿苑花風放鼠
姑因尋芳草污羅襪爲
看金魚落翠鈿皆可誦

田家

雨笠煙蓑是我家不談風月話桑麻偷閒小立茅檐下
喜看兒童學種瓜

七夕

共賞集

三

銀河耿耿早秋天今夕相逢又一年歲歲爲郎織雲錦
也應償畢聘時錢

周思澄

號珊瑚洲吳縣諸生少失怙恃家業蕩然孀
矯不羣年四十始入泮娶妻未幾病卒

積善西院探梅作

探梅去天方曙探梅返天已晚探得禪房深處梅老幹
十丈花盛開孤高大樹成合抱離奇屈曲形亦好老僧
不嫌屐印苔肯放遊人雜沓來我來看花情淡蕩花應
得我亦欣賞招朋時向花下行花影滿地斜復橫引起
吟情覓詩料隨意巡檐索花笑不知誰植此庭前客云
已有七百年本來古跡是南渡體到半枯苔紋護一陣

酸香鼻觀參南枝北枝幽興酣吁嗟乎爾不移根廟堂
供作調羹用伍于眾木誰珍重

懷友

明月今何夕荆吳兩地情寒燈思舊雨落葉聽秋聲親
老憂常客家貧愧遠行終宜歸計早不必戀虛名

秋夜

涼夜此孤坐當窗月正明秋蟲有何感亦作不平鳴

春日野步

午餘行樂負詩瓢芳草萋萋一徑遙小憩春風不知晚
夕陽紅過小紅橋

共賞集

三

感詠菜花

雙尾花開正送春陌頭來往盡遊人可憐辛苦農夫力
種徧黃金不瘵貧

朱逢王

號蘭生華亭諸
生英氣逼人

新春郊行同人口占

飲罷屠蘇酒桃符萬戶新雪花猶是臘鳥語自然春萍
水皆知已文章各有神憑闌清興足不速客三人

和友歲暮作

送窮乏術且銜杯白日堂堂去不回畢竟風流能折福
已無時命莫論才卞和璧總期三獻杜老詩惟詠八哀

蘭社探梅如有約酒鑪茗鼎許追陪

顧本立

號菴勺吳縣諸生卓然自重其斷句云尊前說劍心先冷局外評棋意尙雄防口甚於居室女息心渾似在家僧作客已知從古拙賞音更覺到今稀古人畢竟鬚眉異知己方能肺腑眞

壑舟園述懷

事急何能擇木棲十年壯志辱塗泥憶家切似三秋燕
望遇深如五夜雞楊柳牽絲風黯黯芭蕉寫恨雨淒淒
故人幾輩雲程隔艷羨春遊健馬蹄

歎余依舊坐茅齋翹首鄉關隔水涯倦去且尋新夢境
閒來自檢舊詩牌雕蟲絕技聲名小磨蝎盤宮命運乖
多少吟朋心契闊晝長何事嗚襟懷

共賞集

三

離家僻處太湖濱百里飢驅六尺身世道日衰甘澹泊
書生無福誤因循境嫌齷齪非關傲事可牢騷不爲貧
一樣團樂天上月如何偏照異鄉人

華

號曉山吳縣諸生謙讓簡默以工書名

雁字

風過書空聽有聲數行眞草寫淒清石頭城下文鋒豎
星子灣西筆勢橫摩破楚天傳冷意畫開湘水寄遙情
銜蘆莫向沙汀落一片雲章急就成

許其淮

號蓮友長洲監生爲人才大氣盛倜儻不羣幕遊十餘年不得伸其志年四十八而卒著有小丁卯廬撫餘稿娶蔣氏亦工詩有玉樹樓詩其子作客粵西悉攜以行遭兵火散失

窮

昌黎送爾欲何之水盡猶非日暮時小困未妨成獨善
大言從此或工詩縱饒阮籍愁無告敢信黔婁死有知
好把窮通全局看高他一著卽仙棋

農桑

漫言剜肉醫創便此日農桑說也愁兒女飢寒官稅逼
可憐絲穀兩無收

客路

秋風南北紛紛路幾輛輕裝細馬馱寄語長安西笑客
翳桑知否餓人多

共賞集

三

貧女

珠圍翠繞何曾慣裙布釵荆自率眞若以妍媸論貴賤
西施偏是浣紗人

城市

居奇列肆金珠賤比戶笙歌笑語和怪底昨宵城上望
出城客少入城多

漁父

生計全家聚一船醉歌笑指水雲邊蓑衣欲脫還須脫
莫管來朝有雨天

除夕

草草杯盤當綺筵挑燈感慨話從前妻兒入口雙空手
虧我撐持已十年

張鴻基

字儀祖號視孫吳縣諸生落拓不羈縱情詩酒惜不永年未能如志斷句有同調性情董

桂府中年光景米鹽催煙沈大海寒無色風裂窳雲碎有聲文章不遇翻憎命風雨無情總爲秋沙飛極浦鷹呼雨草盡秋原馬嚼煙皆警拔可誦

旅病寄石梅孫

曉籟傳街鼓新寒聚客衾江聲流別夢雨氣結秋陰市
義誰焚券酬知自碎琴吾生徒寂寞搔首黯沉吟

送春

以春花將闌爲韻

啼鴉聲中萬綠新陌頭紅紫漸成塵關心蠶麥當忙月
共賞集

三

過眼鶯花負好春幾日東風如過客夕陽南浦有歸人
攀條忍使匆匆別猶記郊迎綠仗陳

罡風一霎送春華難挽東君細犢車紅雨遮來黃蝶路
綠波暖到白鷗家離情此夕當歸草芳信明年及第花
差喜重逢堪計日勝他人遠隔天涯

匆匆九十此韶光春似勞人一例忙飛絮連天催祖帳
落花三月勸歸裝陽關自譜鶯鶯唱去國誰賡燕燕章
莫笑臨歧無贈物榆錢滿院早輪將

山廚櫻筍促登盤此席眞同祖餞看婪尾三杯紅芍藥
離腸九曲碧闌干春如好夢驚回早花似良朋久聚難

肯爲曉鐘畱片刻不辭翦燭坐更闌

汪福辰

號致堂吳縣歲貢生善隸書精堪輿耽于酒年六十自壽有別作三十首今錄其七

別身

生死無端總聽天脫離塵海亦超然春蠶作繭蟬畱蛻
軀壳拋來卽是仙

別酒

醞醖春風滿玉瓶非關人醉我常醒丹成仍得餐霞液
已返瑤池作酒星

別筆

著紙雲煙展妙才敗毫零落委塵埃殷勤收拾成孤塚

共賞集

美

仍與文人伴夜臺

別帳

流蘇漫事鬪豪奢一榻惟憑紙帳遮明月自來還自去
更無清夢到梅花

別棋

閒窗清興約鄰翁柯爛深山境已空惆悵今番殘局罷
輸贏兩字付東風

別井

花開金甃起悲風斷綆深埋碧草叢寒食清明泉可汲
一杯分奠老詩翁

別犬

勞爾頻年守夜才謹防惡客費疑猜魂歸且勿迎門吠
應識堂前舊主來

郭鳳梁

號季虎元和人桂船太史弟夢老人授以筆
遂工書飛白隸草名冠一時求書者日不暇

給脫底敏捷嘗雨窗刻燭寸餘揮各種數十聯家
城東涉園招集名流飲酒賦詩極盛年三十三卒

放翁生日初集

我有一瓣香敬祝小太白異代奉壽觴商邱剏自昔放
翁亦大家詩篇萬首積囑兒告中興此心勵丹赤翁生
宣和年十月十七日墮地雨乃霽天使昌詩筆今逢翁
誕辰肆筵斟酒榼先期約吟朋同來拜詩伯努力師古
共賞集

三

人莫把光陰擲

己酉上巳邀同人涉園修禊集蘭亭字

視聽幽情暢興懷癸丑年觴流修禊日人詠暮春天蘭
氣欣相遇竹風來惠然雖無絃與管亦足會羣賢

丁未上巳集同人涉園修禊之作

小園魏紫暈花顛招我吟朋修禊來手執巨觥徵酒量
毫揮繭紙驗書才瓣香人謁右軍像彩筆花看名士開
猶憶去年逢此日橫雲山館共銜杯

丁未歲放翁生日二集

介眉酒酌古尊罍遺像撫從團扇來北定已孤籌國計

南朝宜復說詩才千秋事業畱書劍一代風騷付酒杯
今日重爲公祝嘏問誰先把彩牋裁

許邦濬

號石英吳縣人好酒善畫工篆刻有不羈之才

同沈秋垞春暮郊遊登納灝樓

登臨此日快閒遊眺徧郊原草色稠楊柳綠圍村欲雨
菜花黃盡麥將秋簾疏不礙春山入主嬾偏教野客畱
怪底沈郎多事甚來朝又買箬溪舟

周

達

號眠雲吳縣人年甫弱冠有志讀書病三陰癘誤飲藥遂卒

賣花詞

閨中少婦年年老擔上春花歲歲新何事春花嬌不改

共賞集

三

朱門換盡戴花人

謁韓蘄王祠

積雨荒祠草怒生騎驢千古說高情庭前風起松濤卷
猶作金山戰鼓聲

闕廷珍

號子綸金匱人與人無忤人亦以此重之

漁舟

夕陽一道水連天結網人依綠柳邊深惜桃源春已去

落花飛滿釣魚船

贈錢駕三

同是芸窗志不羣一時高義薄青雲憐予落拓誰知己

翦燭談心只有君

華以培

號大生金匱人遊府庠貧而好學遇人和氣可親

寶劍

天地精靈氣都涵一劍中
千金增善價三尺試雄風
秋色寒光閃神星寶色融
英鋒休太露藏處用無窮

錢春臺

號薇盦金匱諸生

雲棲山行

夕陽引遊客竹外敞幽情
野屋茆低覆春林筍雜生
路盤山腳險雲脫樹頭行
不覺黃昏至疎鐘作夜聲

登燕子磯

共賞集

三

六代才人盡巍然燕子磯
長江向山直高浪破空飛
天迴雲千里亭孤樹四圍
斜陽讀碑篆誰是識先幾

秋夜

秋光滿天地客子不勝清
獨夜蕭齋坐西風雁一聲

山中禱興

褰衣上翠微來憩青松樹
謾謾松風聲松花滿山路

錢

號駕三狷介自好鄉黨推重

題王醉芸綠楊垂釣圖

自得漁家樂何須苦讀書
一竿聊寄託意在求魚

旅夜

滿天涼意逼燈檠一枕蟲聲夢不成起視月明渾似鏡
照人無語只離情

陳尙模

號秋愚吳縣人習科舉文字以先正爲軌不合時尙年五十尙困童子試卒不得一衿殊落落無所憾兼軒岐之學以婦人醫稱於時好飲酒不慕榮利酒酣談古今治亂當世利病歷歷貫全史他日問之則謝弗知

寓意

我本學古人時人不合我斗酒詩百篇聊以行我可

獨坐

獨坐閒無事燒香賦小詩不知春已盡含意對殘枝

喜外孫程爾亨游泮

共賞集

三

自許芙蓉秋晚開星霜兩鬢此心灰一衿喜汝青來早
歎我曾經二十回

訪友不遇

竹籬茅舍野人家數點梅花屋外斜山鳥無端驚客到

一羣飛去落寒沙

東施吟

自識容華未合時何須傅粉更調脂釵裙布儂家慣
不住西村也姓施

吳允模

字文高號聽松吳縣人少聰敏從程霞壇遊善吟詩與顧耕石輩常往來倡和後棄儒習醫遊顧西疇門治病屢有奇效客遠東十載家業益虧爲人慷慨爽直年六十九臨終口占自輓聯

云心血本無多而今殆盡肩頭從此卸
與世長辭子廷銓能繼父志力行善舉

歸里與諸友夜話感作

五載長城外家鄉夢裏尋憂思成短鬢落魄失初心冰
雪春常冷風沙晝亦陰夜深聞虎嘯草木盡哀吟
今日復相見離家淚未乾幾人悲聚散有話劇辛酸舊
雨幸無恙浮雲空萬端蒼蒼不可問燈下劍光寒

壽汪致堂六十

六十年來下降辰青氈可典也雷賓老于詩酒長行樂
富有文章不厭貧晚節能同黃菊傲舊交喜共白頭新
今朝攜杖登堂祝笑作羣仙會上人

共賞集

三

秋感

謀生祇覺我無能不爲秋來感慨增十載風霜添白髮
一堂兒女共青燈盃依暗壁吟聲細露下中庭夜氣澄
爭似黃花高晚節天生傲骨最崢嶸

癸卯六十自壽

餐霞煮石仙家事健飯人言是壽徵自笑功名兩無分
白頭羞對此燈青

陳

幹號秋谷性傲
有詩酒癖

田家秋興

桔槔閒復閒禾黍綠復綠農人望秋收來往三徑曲濁

酒攜一壺晚菘采一掬嘯傲得天真含哺而鼓腹

野梅

昨夜前村花自開天生原不藉栽培孤芳漫道無知己
也有高人踏雪來

張鳳華

號質坡
業醫

過笠澤湖

浩淼真無際揚帆笠澤過四圍山合翠五道水分波雅
操全蓴膾雄圖誤苾蘿賢愚同一逝扣榜發狂歌

山樓客夜

小樓高與四山齊萬木參天月漸低夜靜不堪驚客夢

共賞集

三

動人愁思一猿啼

徐秉經

號硯香耽吟嗜
酒賣藥爲生

題獨坐彈琴小影

空山石壁下獨坐彈幽琴蕭颯暮風起時鳴深竹林泉
聲有斷續月色無古今對此滌塵念悠然見道心

寒江

無復滔滔勢潮平咽不流凍雲低極浦急雪重孤舟一
望白無際數峯青獨留寄言垂釣者珍重衣羊裘

施兆祥

號吉人業
醫好道術

靜齋

養性託衡茅卜築吳山下小軒窗一開煙景臨四野世事久坐忘主人乃靜者杜門無友朋此心妙自寫時來鳥雀聲不聞喧車馬彈琴舒長嘯真樂非有假

幽居

廊廟非無地柴桑自有天焚香讀周易獨坐小窗前

張守誠

號樾庭言行謹慎
好讀書善書法

蟹

甕浮新色酒座插菊花枝笑汝橫行甚憑人隻手持

野梅

尋詩瞥見一枝斜欲賞曾無賣酒家怪底寒梅真性野

共賞集

三

向無人處獨開花

陸起潛

號友藹謹慎小
心以詩酒自娛

蓮塘曲

用温飛卿蘭塘曲韻

塘水清兮魚唼唼綠波深處容擊楫盪入中流花最多
紅蓮掩映青荷葉水濺荷珠顆圓花欲折兮菱絲纏
折得一枝比顏色花容爭比玉容鮮照眼睛霞橫鷓首
十分香氣濃于酒一聲潑刺驚鴛鴦鴛鴦飛近隄邊柳

烏夜啼

烏夜啼啼聲何慘悽不惜叫斷隴頭雲不惜喚醒三更
雞樹頭嘍嘍聲難定寒霜滿地明月低

雁字

紛紛日暮起瀟湘雁影參差度野塘零落題紅千樹葉
淋漓飛白滿天霜書來邊塞征途苦寫出涼秋旅思長
縱有稻梁難一飽書空有恨不成行

秋信

蕭蕭梧葉落蒼苔漸覺蟲聲四壁催殘暑困人能幾日
一天涼雨送秋來

潘

鶴號胎仙元和人精于音律每一詩成輒填宮商
商撮笛吹之自鳴得意浪跡江湖迄無知遇

老棲僧舍
賁志以歿

人日

共賞集

三

前年人日清江浦擊犂將軍不好武書生仗劍且從軍
酒酣岸幘筵前舞去年人日在揚州詩天酒地恣遨遊
百席綺筵一輪月顰鬢簾底彈箏篴今年人日看大雪
對面吳山低一尺冷雲壓倒萬梅花笑爾江湖獨歸客
謁三鄉廟

迎神簫鼓奏鈞天碧樹叢祠裊篆煙代雁不妨然一諾
乘龍果否遲三年俠腸已見書生志靈跡曾聞賈客船
豈獨漢皋人頌德三吳俎豆做華筵

張

號心蘭性情孤潔僻冷與人交落落寡合每
月夜攜簫一枝登隱仙樓歌詠旁若無人

卽事

新詩題徧四圍屏信筆書成亦性靈長嘯一聲人不識
眼前無數晚山青

擬古兩頭纖纖體

兩頭纖纖深閨月半白半黑征人髮
膈膈膊膊秦筑聲
磊磊落落漢庭骨

吳

基號吟梅業賈而性耿介不合時宜鬱鬱而卒

蒜

江上蒜山銀一色忽飛片影落尊前
閨中小女偏風雅
欲待花開認水仙

查維熊

號瀛山極誠樸爲人書算吟哦不輟

其賞集

七夕

三五

略嘗離恨始情多未解深閨意若何
今夜有人倚闌徧
低頭不忍視銀河

卽事

困人天氣手書拋酌酒聊將險韻敲
七字未成回首望
斜陽已挂柳枝梢

戴敏時

號健安吳縣人出言行事一以小心年三十入而卒嘗降筆于靈筵云舉世無安土天涯少樂人不如泉路好反得穩棲身

冬月

如此朔風緊一輪光更寒不知今夜月能有幾人看

七夕

綺羅佳節正新秋瓜果庭前月一鉤
笑指銀河私自祝
莫將風浪阻牽牛

曹文春

號瘦梅人
品秀逸

秋柳

細雨霏霏欲暮天長隄寥落淡無煙
他時灞岸重回首
誰道東風又一年

曹文逸

號愛溪謹
節之士

秋柳

莫恨隄邊翠影稀風前搖曳倍依依
多情祇有黃胡蝶

共賞集

三

抱住長條不忍飛

程寅錫

號視香吳縣人年十三應童子試宗工奇其
文而擯斥之卽棄時藝肆力于詩古書畫及
軒岐之學性好潔志在山林胸懷經濟虛
心接物樂善好施癸丑避囂山中病卒

新樂府

借陰債

陰閒借債陽閒用兩手空空受愚弄
雞豚酒果謝神爺
年年月月利息加神爺神爺大起家
君不見袖中兩箇
乾癟紙元寶賺得愚民好東道

還受生

不見借得來只見還得去何物受生沒憑據
蓋庫須一

千贈庫要八百惟有庫官還做得不如省卻受生錢將
來買箇庫官缺

雲帆轉

十做放船也

大帆崔峩小帆突兀負米負米雲輪風轍不知屏翳可
有千萬手挽住危檣逆風走君不見羅隱詩糝糠擡舉
尙有時

沙船樂

吳淞受載也

沙船樂歌短曲阿囷鳴榔婦敲竹今年載 皇糧關吏
少需索若干多許官所屬打火居然食天祿吁嗟乎沙
船樂

其賞集

米船來

天津捐補也

三

米船來米船來千艫百舳雲中堆黃旗揚揚斗大字採
買不足非政治君不見晁錯疏入粟受爵國之務爾民
何不輸公府

黃

榮

號紫珊金匱人性端方孝友嘗坐池邊石上慨然有澄清之志惜壯年已殂

觀魚軒

獨坐池邊石吟花把一觴蜂喧春已晚燕靜日初長戲
水遊魚樂迎風細草香會心知不遠何必復濠梁

印錫福

號羹梅吳縣人幼孤力學性溫恭與陳生鷗成同窗陳生性慧目十行下印生篤志長皆

以大器目之今陳生循例宦遊浙江而生已赴玉樓惜哉

感詠

走馬長洲苑尋芳短簿祠好山宜對酒佳節合吟詩柳絮狂如我桃花艷入時平生行樂意能有幾人知

隱雅居題壁

不盡登臨興非關愛茗甌偶然得佳句來寫此高樓叢樹困殘暑一蟲驚早秋等閒新月上倚檻儘勾留

倒次前韻

如此湖山好何妨竟日留幽禽皆好客落葉自知秋胥水白于練靈巖青入樓竹爐茶正熟消渴喜盈甌

春雨

共賞集

三

草滿池塘花滿蹊雨絲飄下淡雲低鶯兒只怕翎毛溼飛入綠楊深處啼

立夏

算來風日尙清和不是離人情不多無數落花無數絮等閒又覺一春過

枕上作

臥病連宵寐不成枕邊數罷短長更此身方入黑甜去鄰寺又來鐘一聲

程爾亨

號曉峰寅錫兄元和諸生丹徒縣訓導儒雅風流樂于爲善後弟一月卒

大名陳老人歌

康熙五十五年五月五老人生于大名府歷今道光御
極十五年百二十歲何綿綿我聞人瑞快先覩老人岸
然道貌古鳩杖一根植不扶媿媿與人說鄉土自言弱
冠到江南往來百載隨糧船子年一百孫八十可憐相
繼歸黃泉惟有老人健如虎日行百里無所苦壯年篙
工愧不如鬚髮只如五十餘乃知天下非無壽者相老
人一星終古亮我願我父我母甲子高如老人壽永無
恙

喜苗悅庭至

昨夢雁飛來今日晤君面索寫見懷詩呼童快洗硯

其賞集

三

出鎮江日望金焦二山

一山秀拔一迷濛兩點金焦大不同七里江心開眼界

自牽篷脚倚秋風

秦淮

小艇如飛畫槳輕月明兩岸管絃聲秦淮河水年年綠
不到長江不肯清

盛朝瑞

號樹棠嘉慶辛酉科吳縣副榜
爲人謹慎端方子廷英無後

萬松林

春光在何處鬱鬱萬松林歷劫幾千載雪霜不受侵夜
來風雨惡定作蒼龍吟

堯門夜泊

誰家古墓田四圍樹棠杜瞥見畫船來一彈還再鼓煙
村三兩家雲氣日吞吐好山不知看常時掩門戶我正
愛堯門獨對空山雨

同友早春郊行

破楚門外春正曉紅杏初花柳芽小荒郊路僻不逢人
處處樹頭鳴好鳥幾日東風春意足青帘高挂前村曲
與君共上酒家樓酒波倒映西山綠

楊村慈富院風水洞

疑是桃源路外人無處尋石門蒼蘚老古洞綠蘿深水
其賞集

早

穴乳流澗風巖花滿林會當彈一曲石磴好橫琴

江山船

堂堂名門後身羈越江織女郎知自憐斜抱琵琶泣

西興

西興渡口夕陽橫江淺沙生水上行若得蹋平魚鼈地
坐添沃土儘春耕

曹娥江

水聲嗚咽寫哀多心與貞珉共不磨應是生前遺恨積
至今江上少風波

五人墓

花繞樓臺水繞塘五人墓碣獨畱芳畫船簫鼓癡兒女
知否秋風俠骨香

驟寒

驚心天末雁聲酸一夜霜風夢不安那管冬衣人未備
殘秋已作十分寒

朱介福

號澹溪吳縣人
子崑原岷原

贈別霞壇

冉冉歲云暮依依情不已尊酒送征帆蒼茫雲樹裏春
風不久回槎上發春水東君釀春醅吾將問字來

冬夜初晴村舍作

共賞集

望

雨霽山村月清輝倚杖看沉塗行已倦木榻坐偏安古
樹臨風嘯茅茨籠霧寒主賓無揖讓濁酒不辭乾

九日早起登高

曙色山光縱目看芒屨踏露上層巒聳塵滌盡胸襟爽
病骨秋來亦傲寒

朱岷原

號韻泉介福子家夏駕湖上有小圃品花栽
竹建閣名見山天平靈巖橫山楞伽歷歷在
目爲一時詩酒賓朋之地連宵達旦風雨無虛
日嘗醉語曰無求於人子六長庭楷幼庭松

見山閣

特開酒地與詩天消受登臨二十年一角山光橫檻外
半江帆影落尊前春風香送黃花徑臘日寒消白雪筵

我輩清狂人莫笑頭銜自署飲中仙

蔣

辛

號愚溪吳縣諸生

中冷泉過慧上人印月樓

山僧能愛客爲我汲清泉不盡孤征意來參最上禪
風高樓欲震人靜月爲緣倚檻徘徊久浮雲黯碧天

川中寄懷吳下諸友

四千里外鄉音斷鼓角淒迷落日黃欲問旅人眠食處
萬山西去盡蠻荒

劉

江

號迂客著有鳴秋館詩鈔

晚登天池

共賞集

望

山遊不覺晚步步臻奇境水石有餘清逼人毛髮冷一
澗中倒流兩壁對面亘或斷如杵臼或連如斗柄路轉
聞殘鐘岬傾挂絕磴寺門接空闊三面擅幽勝夕陽亂
松聲虛谷響斯應流而爲詠歎凝而爲禪定移時坐磐
陀風泉溢清聽明當扶醉來更續登高興

松陵道中

一棹乘春出榜伽忽岸西滿江花影動不住亂鶯啼野
曠川原迴天空草樹低炊煙何處起雉堞望中迷

春遊西山歷白雲石屋蓮花諸勝歸憩澗上小亭

歸路春如畫何亭澗水西回頭空翠合半嶺白雲低清

磬隨風落幽禽擇樹啼再遊應倦倦幾處是曾題

中白雲

一石一株松遊春信短筇日斜過半嶺雲斷見全峯更
踏層梯上回看萬笏重翻疑白太傅此景不曾逢

同肯堂橫塘泛棹

落日數蟬鳴歸舟趁晚晴亂流爭月色飛棹挾風聲朋
舊歡如昨林塘秋欲生一杯新釀酒難遣十年情

九日分韻得開字

漠漠陰雲四望開每逢令節轉徘徊一山翠色當窗聳
萬壑秋聲入樹來落日平湖誰泛艇西風籬菊幾登臺

共賞集

望

故人先後成佳詠肯負今朝在手杯

寒食舟中

處處風光逼暮春十年老我淚沾巾青山如髻波如鏡
不見同來上塚人

闕

球號漱六金匱
人子廷珍

小妹子歸作

看向紅窗結佩璫繡闥女伴共催妝須知今後爲新婦
不比當初侍阿娘

山塘竹枝詞

情波灩灩渺無涯斟酌橋邊蕩槳斜十載揚州春夢覺

重來吳苑翫煙花

華培昌

號約齋金匱諸生

食新米粥感詠

人可數日食無肉不可一日食無穀是以上古之聖人不貴金玉而貴粟今年早魃肆其虐田禾枯槁人窮蹙吾鄉獨幸稻早登重九欣炊新米粥玉杵舂看白粲精焦桐爨出紅蓮熟此粥莫作尋常看半載農人疲手足桔槔之聲曉夜聞日中暴兮露中宿典盡衣裳呼彊以方得田禾收一斛一粥一飯不易來柏廬家訓宜三復莫因安飽忘人飢試看他鄉真慘目場無寸禾突無煙子有啼飢妻有哭余今安坐守青甍不耕而食無功祿食粥食飯并食肉應消今生半世福

曉發京口

蘆荻蕭蕭白露橫扁舟直下大江行濤聲響到金山寺嵐翠陰連鐵甕城柳樹迷離籠霧暗蒲帆歷亂帶潮輕同儕閒話興亡事此日安瀾慶太平

錢師表

號仲立著有湖塘逸詞

卽景

隔溪柳翠透簾櫳盡日荷塘趁晚風午睡覺來林鳥靜輕雲迎月過牆東

陸寅 號竹素

柳枝詞

青青猶帶畫眉痕
惜別曾經破楚門
啼盡流鶯飛盡絮
便無風雨也消魂

王文浩 號秋陶

悶雨

秧田新漲碧無邊
鎮日惺忪和溼煙
屋角雲堆小米晝
磯頭風解老漁船
垂簾筆減讐書課
隔院聲兼挾礮泉
屈指黃梅亦常例
漏天無那太連綿

朱澄 號澹如生平樂善好施

共賞集

豐

九日柬友

去歲重陽節黃花開較遲
蕭條一尊酒風雨閉門時
此日籬邊菊高低發數枝
何當良友至相對話襟期

對雪柬綺堂

離緒如飛雪紛紛撲酒杯
未能乘興往轉欲望君來
凍雀忽雙下風幺時一闕
相思不相見吟斷隴頭梅

顏紹緒 號亦陶著有螢餘集

擬古

青青原上草人向春風老去者
良等閒行樂須及早
花落復花開白髮不肯黑
爭如雙燕雛翩翩試新翼

古別離

邊城橫飛檄征騎連鋒鏑從軍出雁門萬里從此別誰
無親與故忍使恩義絕不念遊子苦朔方多風雪綺樓
有少婦機杼縈百結魂夢斷遼陽日歸苦無日登高遠
相睇原野何蕭瑟離別常離別含酸向誰說

舟行卽景

野艇客心靜沿流曲曲通帆行青鏡裏山繞白雲中春
草板橋色柳條沙岸風乘槎欲何往悵望碧天空

曉起

涼風起天末

用杜詩句

遊子欲何之木落驚秋老衣單感路

共賞集

吳

歧無田還望歲多病漸知醫收拾千行淚毋教客伴疑

奉酬余師沆

將詩不惜再風雨故人心羸馬羞良僕窮途重賞音菊
花何處去楓葉此時深自覺秋容減尋常亦廢吟

春閨

頗解惜物候含意臨窗坐無計縮韶光開箱取金鎖

汪亦揆

號夢亭著
有清夜吟

角黍

裏糧盈一握湘水弔忠魂何用五絲縛蛟龍不敢吞

鼠

牀頭纔滅燭便上讀書臺黑夜欺人暗縱橫嚼字來

黃世德

號竹莊
長洲人

秋夜獨倚柴門

秋洗蟾光白柴門似畫明不嫌風露冷惟愛水雲清樹
裏驚鴉噪煙中出鷓聲漏深猶獨倚寂靜最怡情

程景沂

號亦曾新安人著
有館月亭詩鈔

雨窗讀放翁詩作

放翁八十猶能狂走馬城南看海棠年少曾踐蠶叢窟
日日碧雞醉花月歸來著書不厭多簸弄雲霞嘯薜蘿
我從邗上載書來雨窗排悶讀百回屈騷恫恍靈祇集
共賞集

罍

公詩能使鬼神泣江湖老不忘君父猶向中原哭煙樹
惓惓頻向詩中寄後世幾人知公意

上沙

背郭攜舟去濃陰隱畫橈湖雲低欲雨溪漲遠平橋白
鷺衝波上青帘隔岸招爲尋高士宅搔首問漁樵

重至城南山林

契闊無多日重尋印屐苔路綠前度熟尊爲舊交開小
徑穿花入虛堂讀畫來夕陽容易下待月且徘徊

送錢貫之返棹

披明草媚襯浮槎曉發江干暮抵家小別不須拌折柳

送君一路看黃花

張紹松

號嘯泉著有話
兩山房詩草

舟泊黃山橋遊幻住庵

傍水垂楊傍樹庵扁舟繫纜獨幽探瓦甌塵滿香煙斷
隨意苔花繡佛龕

閉戶

閉戶經旬嬾出門焚香掃榻理琴尊春來笑向東風問
紅到桃花第幾村

金其慧

號天毓海陽人
著有菊溪詩草

贈屠景行

其賞集

吳

壺中邱壑儘徜徉詩酒怡情日月長半榻琴尊隨意樂
一林花鳥及時忙煙浮丹竈春常暖雲鎖書窗夏亦涼
莫患空青無處覓濟人家學有奇方

題吳亦文浮槎詩草

滯迹長崎歷有年旅愁鄉思積成編忽驚筆底波濤闊
槎駕新從海上還

金

號恬齋長洲諸生年十三卽
入泮橐筆遊幕名重一時

送魏二司馬歸京口

詩酒誇無敵相逢意氣同閉門十日雨歸路一江風潮
信道京口鄉音近浙東道中得佳句珍重付郵筒

虎邱竹枝詞

如蟻遊人去復回山塘七里儘徘徊忘情只有生公石
不到笙歌隊裏來

金

榕 號散樵長洲人雲南楚雄府白鹽井大使

滇南歸里

秋到能令百感生虛齋寂靜月光明蟬依衰柳寒無語
馬嘶殘其夜有聲去國自憐雙鬢短移家且喜一官輕
征途計點天涯遠迢遞山程又水程

江嘉福

號箬儲長洲歲貢性疏爽不慕榮利好交遊喜培植後進年六十七卒

題箬燈課讀圖

其賞集

完

兒讀父書母兮與俱繼晷以膏毋荒爾居諸 一有燈沉

沉風寒漏深燈能照兒讀不能照母心 二兒聲啞呀母 解

心嗟咨兒聲浪浪母心彌傷毋黽勉悅我兒身弗康 三 解

夜長兒倦呼兒掩卷卷掩燈明形淒影清母氏劬勞視

此孤檠 四 解

遣懷 二十一

秋風踳踳壯心灰孤負秦淮數往回不遇自慚同季子

感卿含笑下機來

吳

杞 號子山長洲諸生

金陵懷古

一棹秦淮好放舟湖光山色兩勾留芙蓉東府含初日
楊柳西洲舞早秋報國將軍空有恨偏安天子竟無愁
離離禾黍興亡感懷古來登最上頭

許

號香浦長洲監生少讀書不屑事帖括豪俠
好客急人之急善無不爲嘗手散數萬金無
悔色著有小丁卯
廬詩子一其淮

客歸家祭感詠

天涯遊子忽歸來重捧高堂舊酒杯貧病不堪悲老大
顯揚無分愧英才臨風偏切皋魚痛對影頻增旅雁哀
回首淒涼神恹恍空餘淚灑紙錢灰

許

號筠谷長洲監生詠姑蘇臺云拌將歌舞荒
先業忍戮忠良爲美人五人墓云賢才遭縲

其賞集

五

魏快舉
出屠沽

牧牛詞

牧牛春草長騎牛入高岡牧牛秋草短放牛遊町疇朝
出暮歸無定時爾牛有意我先知樹邊掉尾石礪角縱
爾徜徉毋殺鯨牛兮勿踏人家田人家恃此終殘年還
憶去年少收穫家家賣犢輸丁錢

行路難

君不見蜀棧連峯在天上鳥道凌空愁遠望又不見黃
河九曲濁浪無時平蒲帆未許衝波行行路之難難若
此何事舟車弗知止吾聞人世翻手作雲覆手雨險于

蜀道之山黃河水雷君行飲君酒勸君早歸事農畝
畝縱使無功名不若世情平地舉確駭咫尺風濤驚猶
得年年安穩過一生

華守謨

號臯颺金匱人中式兩次副榜訓迪
後進爲時名師著有小園詩文稿

立堂別業雅集和韻

五首之四

舊有南州宅閒來結伴尋苔痕雙屐雨柳色一簾陰地
迴室逾靜花殘春亦深曲闌曾倚徧騷客喜重臨
此地抑何僻雲深山更幽鶯花三月度煙雨一林收掬
水清如許尋春翠欲流主人情甚重詩酒兩綢繆

探幽何處路深院絕無塵雜樹花雷客春林鳥喚人樓

共賞集

至

高凌蜃氣水漲簇魚鱗勝景真堪賞閒吟老此身
性帶煙霞癖居臨水石寰窗延三徑月庭登六朝山酒
契分仍合詩筒往復還俗人憐分薄何處款雲關

徐

號丹
雜

立堂別業雅集和韻

欲訪山莊勝春來結伴尋柳垂一溪綠槐蔭滿庭陰入
室清如許當窗翠更深攀援猶未晚攜手好登臨
地僻春歸晚峯環室自幽步隨香徑轉雲向碧潭收鳥
語空中度松濤天際流此閒風景好心與境綢繆
最愛東臯上孤亭迴出塵泉聲清入夢花韻淡宜人疊

石滋蒼蘚疏池養赤鱗名園多雅集隨處足棲身
牡丹開正盛濃艷繞雲房慢淺蜂窺影花深蝶戀香愛
山非礙癖醉酒不嫌狂珍重主人意攜尊開北堂
詞客揮談塵幽人遠市寰閒吟半簾月靜對一房山野
鶴無拘束白雲空往還柴門稀剝啄雖設亦常關

唐

號頤
庭

畫雞行

江鄉風物供清娛穿花燕子眠沙鳧海上鷗盟尋野老
隴閒雉雉調新雛眼前眞趣堪入畫伊誰更寫鳴雞圖
岸然金距介其羽羣尾參差冠朱尋祝祝棲遊荒圃閒
共賞集

五

喧鳴爭食或分伍大者昂然小竦立韓孟詩工善描取
斜陽淡淡短籬頭芳草平鋪隴水流雄張雌伏各異態
詎同凡筆輕塗髻君不見邊鸞之鳥薛稷鶴絕藝名垂
千古託筆妙何難繼昔賢蒼涼繪出田園樂日長砧砧
憂心羈忽然招我吟新詩曉窗揮紙愁已卻喔喔還興
風雨思

馮

號荔
庵

咒鉢庵聽泉

老僧棒喝毒龍滅香火灰沉鐘磬絕直湧波濤萬馬騰
山根石破寒泉冽怒瀑號門寺不開溜滴懸岬飛碎雪

清流活潑洗我心我欲攜來向佛說

登懷杜閣

不是風騷客眞同稷契看關中胡馬逼蜀道旅人難傑
閣樓神靜名山拓地寬新蒲兼細柳入望好憑闌
不戀鄜州月行哉豈惜身須知眞國士始許作詩人地
僻青山迴風和古樹春白公與蘇老千古結爲鄰

許

號柳村

春望

東郊閒望處春色在誰家只見飛胡蝶山深未發花

江

號霽庭

共賞集

五

雲隱庵探桂

桐溼有古庵雲隱劇幽趣老桂迎風開討秋得暫駐齋
宜金粟餐佛座繞香霧禪心本無隱小坐成清悟

柳枝

春到江南烏夜村鶯聲暗遞入朱門板橋流水青旗雨
不是離人亦斷魂

吳

號錦濤

水檻

鴨頭新漲滿高隱慕漁磯流水環茅舍桃花出竹扉苔
痕雙蠟展柳色一蓑衣會得濠梁樂悠然興欲飛

汪
號萬育崑山人著
有飛蓬鴛湖兩集

采桑曲

攜籠望城南垂楊青裊裊去年霜雪繁今年桑葉小蠶
眠未可期入夏絲應少繡服紫羅裳誰家白面郎攜妓
過南陌春風珠翠香攀條長太息自視心悽惻辛苦織
女機徒爲公子衣

楊白華

楊白華隨風飄颺天之涯天涯誰惜汝風歸何事不還
家

送友

其賞集

五

平野蒼煙合孤城落日昏懷君信陵道匹馬向夷門白
雪攜詩卷青山對酒尊歸期當不遠相候菊花村

訪昶上人不遇畱題梧影山房

茅茨三五椽寂寞萬峯間一水天俱澹雙梧人共閒燈
殘來皓月花缺補青山能使塵中客悠然欲忘還

北固山懷古

蕭梁舊跡復何如多景樓前興有餘入寺風濤趨北固
隔江雲樹動南徐澗迴躍馬將軍宅山接盤龍古帝居
客子登臨秋望極城邊落葉晚鐘疎

范少伯祠

盡說功成當引退，惟君真有五湖心。廿年患難猶堪憶，
一棹煙波何處尋。豈學鷓鴣夷，悲白浪偏教鳥喙鑄黃金。
於今千載雷祠宇，謾謾松風祇樹林。

弔新安朱村程烈婦

琴悲黃鶴已酸辛，無食無兒更慘人。華屋自應知禮教，
蓬門誰與表彝倫。憑棺不斷崩城淚，投壙旋捐化石身。
始信紫陽流澤遠，於今猶見世風淳。

夜投山家

清流抱孤村，松聲亂飛瀑。我問避秦人，桃花隔茅屋。

賞酒

共賞集

垂

前村新酒熟，月出提壺去。一縷見炊煙，人家隔深樹。

踏雪

乘興訪故人，日暮踏晴雪。林塘寒意深，一鉤見新月。

蓼溪卽事

秋色入清溪，蟬聲出疎樹。獨釣蓼花洲，雙鳧自來去。

子夜歌

特地喚歡來，人前不得語。帶心食蓮子，隱隱心中苦。

瞰湖亭晚眺

斜日照沙汀，湖光入杳冥。一行飛鳥沒，七十二峯青。

和礪山壁閒韻

毛女翻居姑射山非煙偏在綠衣閒紅顏果犯天公忌
願遣雲鬟一夜斑

程

號逸洲著
有惜餘草

聞雁

秋冷添岑寂驚寒感客心一行何處去明月入蘆深

午睡

碧琅玕傍小池塘苜蓿牽風翠帶長午夢不知當赤日

清陰一榻自生涼

汪丙照

號一
峯

竹衫

共賞集

美

爲翦青梢入篠巖紉鍼製自手摻摻龍孫化後千鱗見
鳳尾聯時萬縷銜荀令當風香易透何郎浹背玉同嵌
莫嫌愛竹翻成癖熱客中衣盡此衫

分綠樓草

以下二人未詳姓名

秋寺

踏殘黃葉路來扣古禪關修竹依然翠浮雲自在閒石
幢荒草斷經閣夕陽殷忽聽一聲磬暮禽相與還

旅况

西風料峭暮雲寒僮僕都將冷眼看遙憶家中小兒女
燈前應話客衣單

靈巖

好風時遞暮鐘來響屨廊空長綠苔明月不知人已去
夜深猶自照琴臺

綠影稿

過錫山驛感舊次柯碧珊原韻 二十四首之二

感舊情懷怕遇春綠楊如昨綴絲勻金閨亭畔空回首
不見當年詠扇人

鶯聲愁聽此湖濱灑酒中流一愴神恨比晉卿添十倍
不堪重唱沁園春

鄒廷琥

號怙亭金匱歲貢生少孤力學謹守繩墨爲
時善士壬寅歲投詩贈辰不勝抱愧今錄之

共賞集

五

贈作

天心愛惜是奇貧不試常人試異人驟使宴安銷氣骨
疊經磨鍊健精神鳴琴那管瓶無粟采藥何妨甑有塵
茅屋三間書萬卷幾生修到此間身

古意

流雲破空碧雁路天邊長秋風何太早吹儂枕簟涼

遲友不至

燭殘香燼易黃昏坐久惟聞犬吠門明月滿窗天氣好
一杯新酒正溫暾

朱朋壽

號南如元和諸生爲人
溫厚和平有長者風

同人登隱仙樓

結伴樓頭共納涼
四圍佳景費評章
靜聞村落喧雞犬
快覩田中熟稻梁
負擔人歸循徑曲
折花兒出倚梯長
分明一幅幽風畫
得句還教貯錦囊

月夜登隱仙樓

小樓佳景面山開
四野蒼茫夜色催
露洗秋螢光更燦
風傳旅雁響初哀
頓添涼思披衣坐
欲暢高懷載酒來
待到一輪明月午
桂花香裏影徘徊

登燕子磯

一棹秋江興欲飛
狂風偏阻客程歸
壁閒不少名人句

共賞集

五

我亦題詩燕子磯

華繩祖

號瘦菊皋颺孫天姿純粹學問深潛超然拔俗曾同舟遊惠山云濁富不如清貧清貧二字惟君與吾爲能安之耳

越五年寄來一絕今錄之

贈作

品格嶙峋志不羣
連牀幾度共論文
談心記得遊山日
兩字清貧我與君

述夢

桂枝高插早秋天
白玉驚看鵲羽聯
十二闌干誰共倚
銀河如帶月如煙

畫梅

早開曾未借春光一樣疎枝覺暗香脫盡寒酸成傲骨
不知人世有冰霜

鸚鵡

常鎖金籠因此身隴雲秦樹夢頻頻一生已被聰明誤

莫倚嬌憨學罵人

盧雲錦

號織甫吳縣諸生童年入泮詩文書法無一不佳惜早卒

詠燕

限忙字

翩然覓得舊雕梁鎮日呢喃夏漸長辛苦捲簾人久待
莫教花徑去來忙

何秀澄

號視芸吳縣諸生

其賞集

五

秋日山行

一山秋意護雲端引得遊人度翠巒桂嶺叢深攀更上
楓林葉落踏初殘晚經新雨螺鬟爽曉帶清霜蠟屐寒
好待登高逢九日攜壺與客此盤桓

程蘭錡

號四香嘉定人霞壇子

秋燕

言歸已駕五雲車海闊天高去路賒不識來年二三月
雕梁風景又誰家

湯

號秋巖

蘆花

平隄古岸任欹斜何處溪翁泊釣槎月色茫茫秋浦冷
醉眠花底不知家

江

號芸閣

灌花廬賞菊

來訪高人宅秋殘有冷香榮華到荒圃氣味傲清霜晚
節全真隱延齡殿眾芳祇宜一尊酒相賞在柴桑

孫

桂號栖巖

月夜登見山閣

蘆簾紙帳夢魂醒月色溶溶浸一庭不識誰家吹玉笛
滿天涼意逼燈青

其賞集

李

雞冠花

梧桐葉落涼颼發寂寂園林芳已歇憑伊催動夜寒心
滿頭絳雪啼殘月

貝仲培

號子雅少孤好學怡志養母
恂恂儒雅著有聞妙居遺稿

題江東軒畫竹

畱得一寸玉養就千竿竹磨得一斗墨潑成千畝綠畫
以養性情竹能避塵俗愧我居無竹幸有畫可讀展卷
來清風涼颼生滿屋一洗塵心清如入篔簹谷

橫山別業

別業橫山下軒窗傍小溪人行村犬吠飯熟午雞啼畱

客開新釀吟詩續舊題坐來天色晚落日板橋西

錢 泳

號梅溪金匱人以隸書名於時嘗縮臨漢碑三十七種親自摹勒上石又鑿攀雲閣臨漢碑四集藏於家著有梅花溪詩草

擬古

少時好音律喜弄綠綺琴一曲月沈西清商來竹林傾
耳究得失殊非金玉音人心已非古安知古人心棄置
不復彈生疎到如今

上家山

上家山今重來舍舟步芳岸著屐登高臺家山不比舊
時好親故凋零沒秋草卅載天涯行路難堪笑吾年亦

其賞集

空

衰老九峰隱隱飛雲孤惟有一泉長不枯汲泉煮茗忽
惆悵人生擾擾何爲乎

上家山望西行芳草綠斜陽明美人贈我羅浮杖乘興
來敲石門響嘗聞邵國賢此中遇神仙願借神仙左右
金童玉女掃花帚掃盡東南大海變化不測之雲煙我
慕蓬萊不可攀天下豈有三神山不如且飲高陽池上
酒八斗拍手大笑開歡顏

錢寅吉

號昂雲長洲諸生

山行遇雨

孤月升危峰山形瘦如削斜穿窄徑行苔滑不畱躑陰

崖雨勢橫風翻投林鵲庭樾僅容步側足心膽懼涼露
團緣暝溼螢依草落頽廊疑有人菽菽響叢籜忽聞鐘
磬鳴清淨悟真樂歸路晨光微煙底辨城郭

李文通

號聽雨長州諸生有詩名曾刊武陵惠山鄧尉紀游草善畫蘆雁懸壺於胥江萬年橋北擁書樓與楊翰香朱嘯雲及辰景交好爲貧所累屢出門游得貲財輒揮之使盡有大志喜談兵不能爲時用復遁而之丹術抑鬱無聊寓吳江之蘆墟病痢三月歸卒年四十四歲

訪玉山草堂故址

撥棹入界溪來訪幽人宅荒原淡夕陽僵立寒翠石當年擅名勝草堂集裘屨有館名浣花花壓雲冠碧有齋號可詩詩吟秋月白鐵笛一聲飛酒人多岸憤誰破柳漿澆且抱銅斗拍如何四百年莫覲幽棲迹一角馬鞍山蒼翠逗林隙猶似招游人俯仰感今昔

顧貞烈女

生未識郎面除是黃泉始相見死以明妾心不教白首方追尋武陵有女明大義覽古興懷節烈事不幸遭逢同古人愴然有死心無二紅絲一縷石爛海枯女貞之木自辛苦寒井水激無輓轡羅帳無聲風灑灑阿母護之不少舍母守兒兒在牀兒給母母出房房中慘淡月無色手提白練三尺雪陰風吹火青熒熒氣不斷時淚不絕淚不絕俱血痕血痕照破泉臺昏此生一擲心萬

其賞集

奎

古 龍章特下褻貞魂貞魂地下應含笑能以一身植
名教詩成夜靜天蒼涼失羣江上哀鴻叫

題姚亮生容與軒印譜

亮生用筆如用刀軍前草檄揮健毫亦復用刀如用筆
陣上彎弓射強賊用刀用筆兩不分稜稜善刻秦漢文
秦漢文字識者尠世上鐵筆徒紛紛仿秦撫漢動師古
媿嬰誰識岐陽鼓未嘗辛苦學妃稀祇是譚言辯帝虎
一編示我法而奇朱泥著紙光陸離昆刀切玉壽然裂
飛龍舞鳳蟠蛟螭博古久爲世所重大篆小篆能兼綜
有刀不爲俗人捉自刻圖章與自用亮生亮生人生第
其賞集

奎

述懷

已受孔子戒束身名教中學仙乃游戲拜佛亦英雄龍
骨誰教出猪肝不諱窮清貧能自守曾比信天翁

孤往

拍手千秋亭呼名與自聽髮真無可白眼更向誰青躡
躡成孤往陽陽只獨醒不如蚊睫內寬綽羨螭螟

約友人西郊探牡丹

隔窗小鳥勸提壺處處園林入畫圖共說清游三月好
莫辭出郭一筇扶連村幾度啼鳩婦微雨偏能渥鼠姑
未免心貪春富貴得君吟賞不嫌孤

同友游南園

且攜柑酒聽黃鸝村北村南望欲迷綠樹園林經雨暗
黃花時節覺天低泥融麥隴踏成路春重柳絲飄過溪
幸有二三知己樂韶光如許儘畱題

冬游華山

萬壑千巖插太虛亭亭出水現夫渠別開世界天然畫
來讀生平未見書踰嶺巒光衝展齒斂門松翠落衣裾

其賞集

卷

仰瞻古佛藤蘿上我欲參禪此結廬

塞上四時詞

四之一

黃茆白草至秋肥無定河邊牧馬歸獨立受降城上望
行行秋雁向南飛

懷李鶴汀

壯游馳騁浙東西同舞荒村五夜雞我失意歸君得意
此中福命已雲泥

閨秀二人未詳姓氏

春閨

千丈高山百尺溪行人萬里赴遼西半簾花影雙飛蝶
兩壁銀缸五夜雞八字眉攢七夕約九迴腸結六時齋
一年十二度圓月三四回圓空自啼

春閨

十二闌干四抱溪六時空見水流西花殘八九猶春雨
夢到三千正午雞七尺被融雙淚暖萬分愁約兩心齊
韶華百五今過半一丈垂楊鶯自啼

烈女

蜀人未詳姓氏里中豪右強欲買之爲妾遂自縊

共賞集

附

絕命詞

不識金錢世味濃無端來入美人胸蛾眉一寸巫山矗
肯爲行雲低一峰

蔣

號端操毘陵閨秀少孤避亂江北及嫁夫婿十載不歸鬱悒而卒著有秋雲草

亂後寄故里

亦有太平日吾生何不辰空傳千斛淚已負百年身蕭
索毘陵道淒涼茂苑春故園芳草徧應望未歸人

春日感懷

花落歸何處潛然獨倚闌江山愁色暝風雨恨聲酸身
弱逢春怯心孤入夜寒家鄉零落盡誰與一枝安

秋夜有懷

小樓人獨倚天色杳蒼茫清露凝初白寒花落更香風
吹幽夢冷月傍旅魂涼夜靜秋偏好悠然憶故鄉

侯承恩

號孝儀嘉定閩秀
著有松筠小草

春晝

楊花綠亂麥風涼深掩重門白日長睡起臨窗無一事
摘將梅子打鴛鴦

小中秋

一庭花月暗香浮好景慚無好句酬明日陰晴渾未定
卷簾且作夜深遊

其賞集

附

二

王鳳芝

號稱玉自號素芝太倉人適楊元善
號松琴姑病曾割股年三十七卒

瑣窗銷夏

湘簾低卷晝悄悄窈窕文窗暑不侵偶仿簪花書素箏
戲拈香草譜青琴絲牽碧藕玲瓏腕葉展紅蕉宛轉心
行過曲廊人不見徘徊潛立老桐陰

花外流螢柳外星水光倒暈茜羅屏夜深靜掩雙魚鑰
風細微聞九子鈴舊事如雲追不易新愁壓夢苦難醒
綠陰繞屋濃于黛瀉作眉峯兩點青

春陰

草肥花睡晝沈沈小院苔痕一望深雨怕太寒晴怕暖

天工有意作春陰

感懷

銀鴨香銷心字灰前塵如夢費低徊芭蕉細卷丁香結
縱有東風展不開

其賞集

三

是集初印二百本于咸豐九年又印二百本今板已厯
劫惜哉猶憶蘇城未失周子蓮張薇露王金波皆欲刊
續集辰欣喜之至方將俟遠近同志賜稿下閩則二集
之編在卽詎料陽九之厄使辰抱無涯之痛耶爰搜舊
藏諸相好作無論存歿錄送施雲門選定庶幾翻刻有
日幸甚幸甚同治元年歲在壬戌春二月錢辰記

是集體例以師爲首友次之未及謀面者後之因有

子先於父者人多疑其倒置國祥未敢擅更也間有

籍貫未詳則吳縣人居多敬謹補注其所不知仍付

闕如男國祥謹識

孫寶塔冠瀛保泰岱雲校字

書號	2
冊數	180

